

# Minela Selamović, dipl. oec. - Magistarski rad

Fakultet/Akademija	EKONOMSKI FAKULTET
Tip Rada	Magistarski rad
Kandidat, zvanje	Minela Selamović, dipl. oec.
Naziv Teme	Uticaj reforme elektroenergetskog sektora na poslovanje elektroprivrednih preduzeća
Rezime/Abstract	<p>Predmet istraživanja magistarskog rada je mjerenje uticaja provođenja reformskih procesa u elektroenergetskom sektoru na performanse poslovanja elektroprivrednih preduzeća, koja su do početka reforme imala monopolistički položaj na tržištu električne energije. Provedbom ključnih koraka reformskog procesa elektroenergetskog sektora, cilj je postići pozitivne efekte na elektroenergetski sektor povećanjem efikasnosti i povećanjem investicionih ulaganja u sektor. Pozitivni efekti za krajnje potrošače bi se ogledali u snižavanju cijena električne energije, poboljšanju kvaliteta usluge, omogućavanju kupcima da biraju najpovoljnijeg snabdjevača električnom energijom etc. Predmetom istraživanja obuhvaćeno je ispitivanje uticaja reforme elektroenergetskog sektora na pokazatelje poslovanja elektroprivrednih preduzeća u zemljama Evropske unije i u BiH. Magistarski rad se sastoji iz pet međusobno povezanih dijelova. U prvom dijelu rada detaljno je pojašnjeno funkcionisanje elektroprivrednog preduzeća u elektroenergetskom sektoru, te u uslovima monopola u odnosu na liberalizovano tržište. U drugom dijelu rada pojašnjeni su teorijski aspekti reforme elektroenergetskog sektora sa fokusom na Evropsku uniju. U tom kontekstu, analizirani su osnovni koraci reforme, kao i postignuti i očekivani efekti provedenih reformi u razvijenim zemljama svijeta. U trećem dijelu analizirani su indikatori reforme elektroenergetskog sektora, koji su korišteni za analizu uticaja reforme elektroenergetskog sektora na poslovanje elektroprivrednih preduzeća. U četvrtom dijelu rada prezentovani su rezultati analize uticaja reforme elektroenergetskog sektora na performanse poslovanja elektroprivrednih preduzeća, odnosno identifikovani su ključni indikatori performansi poslovanja na uzorku od dvadesetšest elektroprivrednih preduzeća Evrope. Nadalje, izvršena je analiza kvantitativnog uticaja indikatora reforme elektroenergetskog sektora na performanse poslovanja elektroprivrednih preduzeća. U petom dijelu rada pojašnjena je specifična organizacija elektroenergetskog sektora u BiH, te je dat prikaz i ocjena trenutnog stanja reforme elektroenergetskog sektora u BiH. Uzimajući u obzir složenost organizacije elektroenergetskog sektora, utvrđene su implikacije efekata reforme na poslovne performanse elektroprivrednih preduzeća u BiH. Na osnovu provedenog istraživanja potvrđena je osnovna istraživačka hipoteza koja glasi: Precizno i jasno definisana reforma elektroenergetskog sektora, a koja obuhvata restrukturiranje postojećih elektroprivrednih preduzeća, liberalizaciju tržišta električne energije, te deregulaciju sektora, ima pozitivne efekte na poslovanje elektroprivrednih preduzeća.</p>
Datum	02.03.2016
Predsjednik	Dr. sc. Izudin Kešetović, redovni profesor za užu naučnu oblast „Finansije“ /Finansije I finansijska politika/ Ekonomskog fakulteta Univerziteta u Tuzli
Mentor	Dr. sc. Meldina Kokorović Jukan, docent za užu naučnu oblast „Finansije I finansijska politika“ Ekonomskog fakulteta Univerziteta u Tuzli
Član komisije	Dr. sc. Emira Kozarević, vanredni profesor za užu naučnu oblast „Finansije i finansijska politika“ Ekonomskog fakulteta Univerziteta u Tuzli
Član komisije	-
Član komisije	-
Zamjenski član	-
Dodatni detalji i lokacija	Dana 02.03.2016. godine u 12,00 sati na Ekonomskom fakultetu Univerziteta u Tuzli
Završne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.